

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ODLUKA
O DAVANJU SAGLASNOSTI NA ODLUKU UPRAVNOG ODBORA ZAVODA ZA
ZBRINJAVANJE MENTALNO INVALIDNIH LICA - DRIN BROJ: 02-49-3806/14 OD
25.09.2014. GODINE**

Sarajevo, maj 2015. godine

Na osnovu člana 152. stav (2) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08) i na osnovu člana 143. stav (2) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09), Parlament Federacije Bosne i Hercegovine je, na sjednici Predstavničkog doma od __2015. godine i na sjednici Doma naroda od __2015. godine, d o n i o

ODLUKU

O DAVANJU SAGLASNOSTI NA ODLUKU UPRAVNOG ODBORA ZAVODA ZA ZBRINJAVANJE MENTALNO INVALIDNIH LICA - DRIN BROJ: 02-49-3806/14 OD 25.09.2014. GODINE

I

Daje se saglasnost na Odluku Upravnog odbora Zavoda za zbrinjavanje mentalno invalidnih lica - Drin broj: 02-49-3806/14 od 25.09.2014. godine o prenosu prava vlasništva nad elektroenergetskim objektom TS 10/0,4 kV „Drin“, broj parcele 1612/2, kultura Drin - elektroenergetski objekat, dimenzija 7m² i pripadajućim zemljištem broj parcele 1612/2, dimenzija 29m² sve K.O. Fojnica, br.k.k. uložka 614Dn1479, kao i pravu služnosti pristupnog puta do trafostanice na JP Elektroprivreda BiH d.d.

II

Ova odluka stupa na snagu narednog dana od dana objavljivanja u „Službenim novinama Federacije BiH“.

PFBiH, broj:
____ 2015. godine
S a r a j e v o

**PREDSJEDAVAJUĆA
DOMA NARODA
PARLAMENTA FEDERACIJE BIH**

Lidija Bradara

**PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH**

Edin Mušić

OBRAZLOŽENJE

I - PRAVNI OSNOV

Pravni osnov za donošenje Odluke sadržan je u odredbi člana 152. stav (2) Poslovnika Predstavničkog doma Parlamenta Federacije Bosne i Hercegovine i odredbi člana 143. stav (2) Poslovnika o radu Doma naroda Parlamenta Federacije Bosne i Hercegovine, kojima je predviđeno da se odlukom odlučuje o izboru, imenovanju, razrješenju, smjenjivanju, opozivu i ostavci, o davanju potvrde, odnosno saglasnosti na akte federalnih organa i organizacija, kao i o drugim pravima Predstavničkog doma odnosno Doma naroda kada je to Ustavom Federacije, zakonom i navedenim poslovnicima utvrđeno.

II - RAZLOZI ZA DONOŠENJE

Upravni odbor JU Zavod za zbrinjavanje mentalno invalidnih lica - Drin iz Fojnice obratio se Federalnom ministarstvu rada i socijalne politike aktom broj: 02-49-3315/12 od 13.08.2012. godine, kojim ukazuje na problem dotrajale trafostanice TS 10/0.4 kV, koja se nalazi u krugu ustanove i čije održavanje je sve zahtjevnije i skuplje, te je neupitna potreba za nabavkom nove u skorije vrijeme. Upravni odbor ustanove u aktu navodi da se kao najbolje rješenje ukazala mogućnost predaje trafostanice u stalna sredstva JP Elektroprivreda BiH d.d. - Sarajevo, bez naknade uz zasnivanje prava služnosti pristupnog puta do predmetnog elektroenergetskog objekta. JP Elektroprivreda BiH d.d. - Sarajevo bi se obavezala na potpuno održavanje, zaštitu i obezbjeđenje objekta, kao i instalaciju nove trafostanice o svom trošku. Imajući u vidu navedeno Upravni odbor je donio Odluku o prenosu prava vlasništva nad objektom TS 10/0.4 kV „Drin“ broj: 02-49-2390/12 od 06.06.2012. godine, te od ovog ministarstva zatražio da se obezbijedi saglasnost osnivača odnosno Parlamenta Federacije BiH na istu.

Federalno ministarstvo rada i socijalne politike je pripremio Prijedlog odluke o davanju saglasnosti na Odluku Upravnog odbora Zavoda za zbrinjavanje mentalno invalidnih lica - Drin broj: 02-49-2390/12 od 06.06.2012. godine i istu sa pratećom dokumentacijom i potrebnim pribavljenim mišljenjima nadležnih organa dostavilo Vladi Federacije BiH radi razmatranja i upućivanja u parlamentarnu proceduru.

Nadalje, predmetni Prijedlog odluke razmatran je na 23. redovnoj sjednici Predstavničkog doma Parlamenta Federacije BiH koji je usvojio Zaključak da se Prijedlog ove odluke vrati Vladi Federacije BiH radi njenog preciziranja odnosno da se navede u Odluci na koga se prenosi pravo vlasništva nad elektroenergetskim objektom TS 10/0,4 kV "Drin".

Imajući u vidu navedeno, Upravni odbor JU Zavod za zbrinjavanje mentalno invalidnih lica - Drin donio je novu Odluku o prenosu prava vlasništva nad objektom TS 10/0,kV „Drin“, korigiranu u skladu sa Zaključkom Predstavničkog doma Parlamenta Federacije BiH, a kako bi se obezbijedila saglasnost osnivača odnosno Parlamenta Federacije BiH na istu.

III - FINANSIJSKA SREDSTVA

Za provedbu predmetne Odluke nije potrebno osigurati dodatna finansijska sredstva u Budžetu Federacije Bosne i Hercegovine.